




Mūkami nĩ mūrĩmi njorua. Mũgũnda wake nĩ
mũnene na ũkoragwo na tĩĩri mũnoru wega.
Nĩarĩmaga kahũwa, manjani, mbembe, mboco,
mboga na mũmera ĩngĩ mũingĩ. Mūkami nĩ
ahũthagĩra thumu.





Mūkami nĩ akoragwo na mahiũ mega mũgũnda-inĩ ũyũ wake. Nĩarĩithagia ng'ombe, mbũri, ng'ondu, ngũrwe na ngũkũ. Nĩ ateithĩtie arĩmi aingĩ mwena-inĩ wa gũkũria mĩmera na mahiũ.





Mūkami nīatūūruga endaga gwaka nyūmba nene ya mahiga. No ndakoretwo na mbeca cia kūigana. Akoretwo akīhūthīra mbeca ciake kūrīhīra ciana ciake cukuru. Ningī nī akoragwo akīhingia mabataro mothe ma bamīrī yake.






Niguo ake nyũmba ya mahiga no nginya akorwo na mbeca nyingĩ. Mũkami nĩ ararĩhirwo mbeca cia manjani na kahũwa. Ona ningĩ nĩ arendirie mbembe nyingĩ. Nĩ akũhota gwaka nyũmba ãrĩa nene atũraga eriragĩria.





Mūkami ambĩrĩirie na gũita mahiga. Bundi ũrĩa wamwakagĩra amwĩrire nyũmba yake ĩkwenda rori ikũmi na ithano cia mahiga. Mūkami nĩ athire kware ĩmwe ĩ hakuhĩ na gwake kũgũra mahiga tondũ nĩkuo moimaga.






Mūkami nĩ atwarĩrwo mahiga ma kūigana gwaka.
Nĩabataraga kagoto na mũthanga. Nĩ agũire indo
icio ciothe cia mwako ciendekaga. Ningĩ nĩagũire
mĩhuko mĩrongo ĩrĩ ya thimiti.





Bundi nĩ amwĩrire atĩ indo icio agũrĩte ciarĩ
njiganu kwambĩrĩria nyũmba. Thutha wa
kũrĩhania, bundi nĩ ambĩrĩirie wĩra wa mwako.
Mambĩrĩirie na kwenja mũthingi kũrĩa mahiga
magũkorwo thĩ wa tĩri nĩguo nyũmba ĩrũme.





Mūthingi ona ūtarīkīte Mūkami nī erirwo nī
bundi atī thimiti nī wathirīte. Mūkami no nginya
angīagūrīre thimiti mūingī taūni. Mūthenya wa
gūthīī taūni Mūkami okīrīre tene tondū kwarī
kūnene.





Cikū nĩ aigwire nyina agĩũkĩra nake agĩũkĩra na
ihenya. Makĩnyua cai nĩ aroririe nyina kana no
mathiĩ nake taũni agacere. Mũkami ndaigana
kũrega. Cikū akĩĩharĩria na ihenya mũno.






Nĩmakinyire taũni na Mũkami akĩĩra Cikũ atĩ
makwamba gũthiĩ bengi. Cikũ nĩ oririe nyina
marathiĩ bengi gwĩka atĩa. Nyina nĩ amwĩrire atĩ
kũu nĩkuo mbeca ciigagwo. Mũndũ arutaga mbeca
kuuma bengi o rĩĩra aracibatara.





Thutha wa kūruta mbecha nĩ mathire nduka ya kwendia thimiti. Mwendia nĩamatarĩirie thogora wa mĩhuko igana rĩmwe na Mūkami akĩrĩha. Nĩ matigire thimiti ũgĩkĩrwo rori-inĩ na makiumagara.





Mūkami nĩ atwarire Cikũ mūkawa arĩe. Cikũ etirie nyama ya ngũkũ, waru cia kũũmithio na sonda. Nĩ arĩire irio icio na gĩkeno kĩingĩ. Thutha wa kũrĩa nĩ macokire nduka-inĩ ya thimiti. Makorire ngari ĩna thimiti ĩmetereire. Maingirire na makĩanja rũgendo rwa kũinũka.

